

商城縣志

4

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 25 1936

Gift of
East Asiatic Society

T 3145 / 0245.84

卷之五

學校志上

聖訓 廟制

祀興 學制 附鄉會
般費

書籍 書院

商城縣志卷之五

知商城縣事榮河武開古纂修

學校志上

聖訓
書籍

廟制
書院

祀典

學額

學校所以教也古者上自樂正之設下至黨庠術序
無地非學卽無地非教聖謨洋洋嘉言孔彰導其始
也於論鼓鐘於樂辟廡課其實也釋奠釋菜明有尊
也書升論秀明有制也誘之以詩書六藝之文差之
以小成大成之效禮以節情樂以鳴豫其爲教者亦
備矣哉我

朝

列聖諄諄勸學為急

先師之位祀事孔明羣籍之頒古訓是式順治九年有社
 學之規雍正十一年有書院之論他如欽射讀法賓
 嘉之禮至純極備凡以納小民於軌物也商城僻處
 山陬書缺有間開吉忝守茲土惟不克化道是懼夫
 宣上德意使民知所向方守土者之責也故於纂學
 校志謹稽

大清會典並

禮部則例學政全書有關於教者悉依類

敬編焉作學校志

聖訓

順治九年題准刊立卧碑置於明倫堂之左曉示生

員

朝廷建立學校選取生員免其丁糧厚以廩膳設學院
 學道學官以教之各衙門官以禮相待全要養成賢
 才以供

朝廷之用諸生皆當上報

國恩下立人品所有教條開列於後

商城縣志 卷之五
一 生員之家父母賢智者子當受教父母愚魯或有
非爲者子旣讀書明理當再三懇告使父母不陷於
危亡

一 生員立志當學忠臣清官書史所載忠清事蹟務
須互相講究凡利國愛民之事更宜留心

一 生員居心忠厚正直讀書方有實用出仕必作良
吏若心術邪刻讀書必無成就爲官必取禍患行害
人之事者往往自殺其身常宜思省

一 生員不可干求官長交結勢要希圖進身若果心
善德全上天知之必加以福

一 生員當愛身忍性凡有司官衙門不可輕入卽有
切已之事止許家人代告不許干與他人詞訟他人
亦不許牽連生員作證

一 爲學當尊敬先生若講說皆須誠心聽受如有未
明從容再問毋妄行辨難爲師亦當盡心教訓勿致
怠惰

一 軍民一切利病不許生員上書陳言如有一言建
白以違制論黜革治罪

商州縣志 卷之五
一生員不許糾黨多人立盟結社把持官府武斷鄉
曲所作文字不許妄行刊刻違者聽提調官治罪

康熙九年奉

上諭朕惟至治之世不專以法令爲事而以教化爲先其時
人心醇良風俗樸實刑措不用比屋可封長治久安茂登
上理蓋法令禁於一時而教化維於可久若徒事法令而
教化不先是舍本而務末也近見風俗日敝人心不古囂
凌成習奢濫多端狙詐之術日工獄訟之興靡已或豪富
凌轍孤寡或劣紳武斷鄉曲或惡衿出入衙署或蠹棍詐

害良善萑苻之劫掠時聞讐忿之殺傷疊見陷罹法網刑
所必加誅之則無知可憫宥之則憲典難寬念茲刑辟之
日繁良由化導之未善朕今欲法古帝王尙德緩刑化民
成俗舉凡敦孝弟以重人倫篤宗族以昭雍睦和鄉黨以
息爭訟重農桑以足衣食尙節儉以惜財用隆學校以端
士習黜異端以崇正學講法律以儆愚頑明禮讓以厚風
俗務本業以定民志訓子弟以禁非爲息誣告以全善良
誠窩逃以免株連完錢糧以省催科聯保甲以彌盜賊解
讐忿以重身命等項作何訓迪勸導及作何責成內外交

武該管官督率舉行爾部詳察典制定議具奏遵
旨議准應將特頒

上諭通行曉諭八旗包衣佐領并直隸各省督撫轉行府州
縣鄉村人等切實遵行務使軍民咸知尙德緩刑之
至意

康熙二十三年東

巡書萬世師表四字於闕里遂頒式於天下學宮

康熙二十五年頒

御製

至聖先師孔子贊并序

蓋自三才建而天地不居其功一中傳而聖人代宣其蘊
有行道之聖得位以綏猷有明道之聖立言以垂憲此正
學所以常明人心所以不泯也粵稽往緒仰溯前徽堯舜
禹湯文武達而在上兼君師之寄行道之聖人也孔子不
得位窮而在下秉刪述之權明道之聖人也行道者勲業
炳於一朝明道者教思周於百世堯舜文武之後不有孔
子則學術紛淆仁義湮塞斯道之失傳也久矣後之人而
欲探二帝三王之心法以爲治國平天下之準其奚所取

衷焉然則孔子之為萬古一人也審矣朕巡省東國謁祀
闕里景企滋深敬摘筆而為之

贊曰

清濁有氣剛柔有質聖人參之人極以立行著習察舍道
莫由惟皇建極惟后綏猷作君作師垂統萬古曰惟堯舜
禹湯文武五百餘歲至聖挺生聲金振玉集厥大成序書
刪詩定禮正樂既窮象繫亦嚴筆削上紹往緒下示來型
道不終晦秩然大經百家紛紜殊途異趣日月無踰美墻
可晤孔子之道惟中與庸此心此理千聖所同孔子之德

仁義中正秉彝之好根本天性庶幾夙夜勗哉令圖溯源
洙泗景躅唐虞載歷庭除式觀禮器摘毫仰贊心焉遐企
百世而上以聖為歸百世而下以聖為師非師夫子惟師
於道統天御世惟道為寶泰山巖巖東海泱泱墻高萬仞
夫子之堂孰窺其藩孰窺其徑道不遠人克念作聖
康熙二十八年頒

御製四子贊俾天下學宮皆勒石

顏子贊

聖道早聞天資獨粹約禮博文不遷不貳一善服膺萬德

來萃能化而齊其樂一致禮樂四代治法兼備用行舍藏
王佐之器

會子贊

洙泗之傳魯以得之一貫日唯聖學在茲明德新民止善
為期格致誠正均平以推至德要道百行所基纂承統緒
修明訓辭

子思子贊

於穆天命道之大原靜養動察庸德庸言以育萬物以贊
乾坤九經三重大法是存篤恭慎獨成德之門卷之藏密

擴之無垠

孟子贊

哲人既萎楊墨昌熾子輿闢之曰仁曰義性善獨闡知言
養氣道稱堯舜學屏功利煌煌七篇並垂六藝孔學攸傳
禹功作配

康熙四十一年

御製訓飭士子文頒行直省各學

國家建立學校原以興行教化作育人才典至渥也朕臨
御以來隆重師儒加意庠序近復慎簡學使釐剔弊端務

期風教修明賢才蔚起庶幾棧樸作人之意乃比年士習
未端儒效罕著雖因內外臣工奉行未能盡善亦由爾諸
生積錮已久猝難改易之故也茲特親製訓言再加警飭
爾諸生其敬聽之從來學者先立品行次及文學學術事
功原委有叙爾諸生幼聞庭訓長立宮墻朝夕誦讀寧無
窳心必也躬修實踐砥礪廉隅敦孝順以事親秉忠貞以
立志窮經考業勿雜荒誕之談取友親師悉化驕盈之氣
文章歸於醇雅毋事浮華軌度式於規繩最防蕩軼子矜
佻達自昔所譏苟行止有虧雖讀書何益若夫宅心弗淑

行已多愆或蜚語流言挾制官長或隱糧包訟出入公門
或唆撥奸猾欺孤凌弱或招呼朋類結社要盟乃如之人
名教不容鄉黨勿齒縱幸脫褫扑濫竊章縫返之於衷寧
無愧乎况夫鄉會科名乃掄才大典關係尤鉅士子果有
真才實學何患困不逢年顧乃標榜虛名暗通聲氣夤緣
詭遇罔顧身家又或改竄鄉貫希圖進取囂凌騰沸網利
營私種種弊端深可痛恨且夫士子出身之始尤貴以正
若茲厥初拜獻便已作奸犯科則異時敗檢踰閑何所不
至又安望其秉公持正爲國家宣猷樹績膺後先疏附之

選哉朕用嘉惠爾等故不禁反覆惓惓頒茲訓言爾等務
共體朕心恪遵明訓一切痛加改省爭自濯磨積行勤學
以圖上進國家三年登造束帛弓旌不特爾身有榮卽爾
祖父亦增光寵矣逢時得志寧俟他求哉若仍視爲具文
玩愒勿做毀方躍冶暴棄自甘則是爾等冥頑無知終不
能率教也旣負栽培復干咎戾王章具在朕亦不能爲爾
等寬矣自茲以往內而國學外而直省鄉校凡學臣師長
皆有司鐸之責者並宜傳集諸生多方董勸以副朕懷否
則職業勿修咎亦難追勿謂朕言之不預也爾多士尙敬
聽之

雍正三年議准士子誦習必早聞正論俾德性堅定
將

聖諭廣訓萬言論

御製朋黨論頒發各省學政刊刻印刷齎送各學令司鐸之

員朔望宣誦

御製朋黨論

朕惟天尊地卑而君臣之分定爲人臣者義當惟知有君
惟知有君則其情固結不可解而能與君同好惡夫是之

謂一德一心而上下交乃有心懷二三不能與君同好惡以至於上下之情睽而尊卑之分逆則皆朋黨之習爲之害也夫人君之好惡惟求其至公而已矣凡用舍進退孰不以其爲賢而進之以其爲不賢而退之惟或恐其所見之未盡當也故虛其心以博稽衆論然必衆論盡歸於至正而人君從之方合於大公若朋黨之徒挾偏私以惑主聽而人君或誤用之則是以至公之心反成其爲至私之事矣孟子論國君之進賢退不肖旣合左右諸大夫國人之論而必加察焉以親見其賢否之實洪範稽疑以謀及

乃心者求卿士庶民之從而皇極敷言必戒其好惡偏黨以歸於王道之蕩平正直若是乎人君之不自用而必欲盡化天下之偏私以成大同也人臣乃敢溺私心樹朋黨各徇其好惡以爲是非至使人君懲偏聽之生奸謂反不如獨見之公也朋黨之罪可勝誅乎我

聖祖仁皇帝御極六十年用人行政邁越千古帝王而大小臣僚未能盡矢公忠徃徃要朋結黨

聖祖戒飭再三未能盡改朕卽位以來屢加申飭而此風尙存彼不顧好惡之公而徇其私暱牢不可破上用一人則

相與議之曰是某所汲引者也於是乎遠之若浼曰吾避
嫌也不附勢也爭懷妬心交騰謗口以媒孽之必欲去之
而後快上去一人則相與議之曰是某所中傷者也親暱
者爲之惋惜疏遠者亦慰藉稱屈卽素有嫌隙者至此反
致其殷勤欲借以釋憾而修好求一人責其改過自新者
無有也於是乎其人亦不復自知其過惡而愈以滋其怨
上之心是朝廷之賞罰黜陟不足爲重輕而轉以黨人之
容嗟嘆息爲榮以黨人之指摘詆訾爲辱亂天下之公是
公非作好惡以陰撓人主予奪之柄朋黨之爲害一至是

哉且使人主之好惡而果有未公則何不面折廷諍而爲
是陽奉陰違以遂其植黨營私之計也書曰予違汝弼汝
無面從退有後言當時君臣告語望其匡弼而以面從後
言爲戒夫是故一堂之上都俞吁咈用能賡歌拜颺以成
太和之運朕無日不延見羣臣造膝陳詞何事不可盡達
顧乃默無獻替而狡獪叵測蓄私見以肆爲後言事君之
義當如是乎古純臣之事君也必期致吾君於堯舜而人
君亦當以堯舜自待其身豈惟當以堯舜待其身亦當以
皐夔稷契待其臣孟子曰責難於君謂之恭陳善閉邪謂

之敬吾君不能謂之賊夫以吾君不能而謂之賊則爲君者以吾臣不能亦當謂之忍語云取法乎上僅得乎中苟不以唐虞君臣相期待而區區效法僅在漢唐以下是烏能廓然盡去其私心而悉合乎大公至正之則哉宋歐陽修朋黨論創爲異說曰君子以同道爲朋夫罔上行私安得爲道修之所謂道亦小人之道耳自有此論而小人之爲朋者皆得假同道之名以濟其同利之實朕以爲君子無朋惟小人則有之且如修之論將使終其黨者則爲君子解散而不終於黨者反爲小人乎設修在今日而爲此論朕必飭之以正其惑大抵文人掉弄筆舌但求騁其才辯每至害理傷道而不恤惟六經語孟及宋五子傳註可奉爲典要論語謂君子不黨在易渙之六四曰渙其羣元吉朱子謂上承九五下無應與爲能散其朋黨之象太善而吉然則君子之必無朋黨而朋黨之必貴解散以求元吉聖人之垂訓亦旣明且切矣夫朋友亦五倫之一朋黨不可有而朋友之道不可無然惟草茅伏處之時恒資其講習以相飲助今旣登朝蒞官則君臣爲公議而朋友爲私情人臣當以公滅私豈得稍顧私情而違公義且卽以

君親之並重而出身事主則以其身致之於君而尙不能
爲父母有况朋友乎况可藉口於朋以怙其黨乎朕自四
十五年來一切情僞無不洞矚今臨御之後思移風易俗
躋斯世於熙皞之盛故兼聽並觀周諏博採以詳悉世務
且熟察風俗之變易與否而無知小人輒議朕爲煩苛瑣
細有云人君不當親庶務者信若斯言則臯陶之陳謨何
以云一日二日萬幾孔子之贊舜何以云好問好察此皆
朋黨之錮習未去畏人君之英察而欲蒙蔽耳目以自便
其好惡之私焉耳朕在藩邸時坦易光明不樹私恩小惠
與滿漢臣工素無交與有欲往來門下者嚴加拒絕

聖祖見朕居心行事公正無私故令纘承大統今之好爲朋
黨者不過冀其攀援扶植緩急可恃而不知其無益也徒
自逆天悖義以陷於誅絕之罪亦甚可憫矣朕願滿漢文
武大小諸臣合爲一心共竭忠悃與君同其好惡之公恪
遵大易論語之明訓而盡去其朋比黨援之積習庶肅然
有以凜尊卑之分歡然有以洽上下之情虞廷賡歌颺拜
明良喜起之休風豈不再見於今日哉

是年十二月

御書生民未有扁額頒懸闕里及直省學宮令避

至聖諱改邱字五年以八月二十七日

至聖誕辰令中外大小各官致齋一日著爲例

雍正七年議准直省各督撫轉飭地方官將

欽定卧碑

御製訓飭士子文敬謹刊刻裝潢成帙奉藏各學尊經閣內

遇督撫等到任及學臣到任按臨於祇謁

先師之日該教官率生員貢監等詣明倫堂行三跪九叩

禮畢教官恭捧宣讀令其拱聽如有無故規避者行

學戒飭其有居址遙遠者令其輪班入城恭聽宣讀

至生員貢監內有唆訟抗糧緣事曾經戒飭者令其

階下跪聽以示懲戒倘該教官不實力奉行或借端

需索奉行不善者許該管上司題叅議處

乾隆二年

御書與天地參扁額頒闕里及直省學宮又

御製氣脩四時與天地鬼神日月合其德教垂萬世繼堯舜

禹湯文武作之師頒聯懸闕里及太學

乾隆五年奉

上諭從來爲治之道不外教養兩端然必衣食足而後禮義
充故論治者徃徃先養後教朕御極以來日爲斯民籌衣
食之原水旱之備所期薄海蒸黎蓋藏充裕俯仰有資以
爲施教之地而解愠阜財之效尙未克副朕懷第思維皇
降衷有物有則衣食以養其身教化以復其性二者相成
而不相妨不容偏廢正如爲學之道知先行後然知行並
進非劃然兩時判然兩事又安得謂養之之道未裕遂可
置教化爲緩圖也今學校徧天下山陬海澨之人無不挾
詩書而遊庠序顧學者徒以文藝弋科名官司以課試爲
職業於學問根本切實用功所在槩未暇及司牧者盡心
於簿書筐篋或進諸生而譚舉藝則以爲作養人材振興
文教其於閭閻小民則謂是蚩蚩者不足與興教化平時
不加訓迪及陷於罪則執法以繩之無怪乎習俗之不淳
而詬誶囂凌之不能禁止也朱子云聖人教人大槩只是
說孝弟忠信日用常行的話人能就上面做將去則心之
放者自收性之昏者自明此深探立教本源至爲切實蓋
心性雖民之秉彜而心爲物誘則放性爲欲累則昏存心
養性非知道者不足與幾若夫事親從兄則家庭日用人

人共由孩提知愛少長知敬又人人同具不待勉強要之
堯舜之道不外乎是卽如得一食必先以食父母得一衣
必先以衣父母此卽是孝能推是心而凡所以順其親者
無不至則爲孝子父之齒隨行兄之齒雁行此卽是弟能
推是心而凡所以敬其長者無不至則爲悌弟一人如此
人人從而效焉一家如此一鄉從而效焉則爲善俗孟子
曰人倫明於上小民親於下又曰人人親其親長其長而
天下平由是道也惟在上者不爲提撕警覺則習而不察
而一時之明不勝夫積習之漸染重昏錮蔽日入於禽獸
而不自知任君師之責者奚忍不爲之申重而切諭之也

我

聖祖仁皇帝頒

聖諭以教士民首崇孝悌

皇考世宗憲皇帝衍爲廣訓徃反周詳已無遺蘊但朔望宣
講祇屬具文口耳傳述未能領會不知國家教人字字要
人躬行實踐樸實做去人倫日用正是聖賢學問至切要
處堯舜之世比戶可封只是能盡孝弟放僻邪侈觸陷法
網只爲不知孝弟記曰將爲善思貽父母令名必果將爲

不善思貽父母惡名必不果誠能如此存心豈復有縱欲
妄行之事苟不從此處切實做起雖誦讀詩書高談性命
直謂之不學可耳凡有牧民課士之責者隨時隨事切實
訓誨有一事之近於孝弟則從而獎勵之一事之近於不
孝不弟則從而懲戒之平時則爲之開導遇事則爲之剖
晰如此則親切而易入將見父詔兄勉日積月累天良勃
發率其良知良能以充孝弟之實藹然有恩秩然有義豫
順積於家庭太和翔於宇宙親遜成風必從此始凡吾赤
子其敬聽諸凡厥司牧其敬奉諸

乾隆十年議准

欽頒訓飭士子文已勒石太學其各省尙未頒發應通行直

省學宮同

聖祖仁皇帝聖諭廣訓

世宗憲皇帝御製朋黨論令教官於朔望日一體宣講永遠

遵行

欽頒訓飭士子文

士爲四民之首而太學者教化所先四方於是觀型焉比
者聚生徒而教育之董以師儒舉古人之成法規條亦旣

詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事

於汲汲爲也是以至於惰遊而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闇然自修世俗之紛華靡麗無足動念何患詞章聲譽之能奪志哉况卽爲科舉亦無碍於聖賢之學朱子云非是科舉累人人累科舉若高見遠識之士讀

聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

嘉慶五年

御書聖集大成扁額頒闕里及直省學宮

廟制

文廟在縣治東內

大成殿五楹恭設

先師孔子位南向

主制高七尺二寸廣四尺厚一寸二分座高一尺

二寸廣四尺五寸朱地金書

東配復聖顏子述聖子思子位西向西配宗聖曾子

亞聖孟子位東向

主制高三尺六寸廣九寸厚一寸座高七寸廣一

尺三寸赤地金書

東序先賢閔子損冉子雍端木子賜仲子由卜子商

有子若

乾隆三年升祀

位西序先賢冉子耕宰子予冉子求

言子偃顓孫子師朱子熹

康熙五十一年升祀

位分東西向

主制高三尺四寸廣六寸厚一寸座高四寸五分

廣一尺二寸赤地金書

東廡五楹先賢三十有九

蘧

瑗

字伯玉衛人雍正二年復祀

澹臺滅明

字子羽魯人

原

憲

字子思魯人

南宮适

字子容魯人

商

瞿

字子木魯人

漆雕開

字子若魯人

司馬耕

字伯牛宋人

梁

鱣

字子魚齊人

冉

孺

字子魯魯人

伯

虔

字子析魯人

冉

季

字子產魯人

漆雕徒父

字子有魯人

漆雕哆

字子歛魯人

公西赤

字子華魯人

任不齊 字子選 楚人

公良孺 字子正 陳人

公肩定 字子仲 晉人

鄒單 字子家 衛人

罕父黑 字子索 魯人

榮旂 字子旂 魯人

左人郢 字子行 魯人

鄭國 字子徒 魯人

原亢 字子籍 魯人

廉潔 字子庸 魯人

叔仲會 字子期 魯人

公西輿如 字子尚 魯人

邾翼 字子歛 魯人

陳亢 字子禽 陳人

琴張 一名牢字 子開衛人

步叔乘 字子車 齊人

秦非 字子之 魯人

顏噲 字子聲 魯人

顏何 字冉魯人 雍正二年復祀

縣直

樂正克

萬章 以上三人 雍正二年增祀

周敦頤 字茂叔道州人 諡元公

程顥 字伯淳河南人 諡純公

邵雍 字堯夫河南人 諡康節

先儒二十有三

公羊高 齊人

伏勝 字子賤 濟南人

董仲舒 字寬夫 廣川人

后蒼 字近君東海人

杜子春 字時元河南人 緱氏人

諸葛亮 字孔明瑯琊人 雍正二年增祀

王通 字仲淹 龍門人

范仲淹

字希文吳縣人諡文正
康熙五十四年從祀

歐陽修

字永叔廬陵人諡文忠

楊

時

字中立
將樂人

羅從彥

字仲素南劍人諡文質

李

侗

字愿中延平人諡文靖

呂祖謙

字伯恭金華人諡文亮

蔡

沈

字仲默建陽人諡文正

陳淳

字安卿龍溪人

魏了翁

字華甫邛州人

王柏

字魯齋金華人

趙

復

字仁甫德安人

許謙

號白雲金華人以上五人雍正二年增祀

吳澄

字幼清臨川人乾隆二年復祀

胡居仁

字叔心餘干人

王守仁

字伯安餘姚人諡文成

羅欽順

字允昇太和人雍正二年增祀

位西向

西廡五楹先賢三十有八

林放

魯人雍正二年復祀

宓不齊

字子賤魯人

公冶長

字子長魯人

公皙哀

字季沉齊人

高柴

字子羔齊人

樊須

字子遲魯人

商澤

字子秀魯人

巫馬施

字子期陳人

顏辛

字子柳魯人

曹邴

字子循蔡人

公孫龍

字子石楚人

秦商

字子丕魯人

顏高

字子驕魯人

壤駟赤

字子從秦人

石作蜀

字子明秦人

公夏首

字子乘魯人

后處

字子里齊人

奚容蒧

字子皙魯人

顏祖

字子襄魯人

句井疆

字子疆衛人

秦祖

字子南秦人

縣成

字子橫魯人

公祖句兹

字子之魯人

燕伋

字子思秦人

樂欬

字子聲魯人亦云秦人

狄黑

字哲之衛人

孔忠

字子茂孔子兄伯皮之子

公西蒧

字子尙魯人

顏之樸

字子叔魯人

施之常

字子常魯人

申棧

字子周魯人

左邱明

魯人

秦冉

字開蔡人雍正二年復祀

牧皮

公都子

公孫丑

以上三人雍正二年增祀

張載

字子厚郟縣人諡明公

程頤

字正叔河南人諡正公

先儒二十有三

穀梁赤

字元始魯人

高堂生

字伯漢魯人

孔安國

字子國夫子十一世孫

毛萇

趙人

鄭康成

高密人

范甯

字武子鄆陵人以上二人雍正二年復祀

韓愈

字退之鄧州人諡文公

胡瑗

字翼之海陵人諡文昭

司馬光 字君實夏縣人諡文正

尹焞 字彥明洛陽人雍正二年增祀

胡安國 字康侯崇安人諡文定

張栻 字敬夫綿竹人諡宣公

陸九淵 字子靜金谿人諡文安

黃幹 字直卿閩人雍正二年增祀

真德秀 字希元蒲城人諡文忠

何基 字子泰金華人

陳澥 字可大南康人

金履祥 字吉夫蘭陵人以上三人雍正二年增祀

許衡 字仲平河內人諡文正

薛瑄 字德温河津人諡文清

陳獻章 字公甫新會人

蔡清 字介夫晉江人

陸隴其 字稼書平湖人諡清獻以上二人雍正二年增祀

位東向

主制高一尺九寸廣四寸五分厚五分座高二寸

二分廣七寸五分紫地青書

崇聖祠三楹 舊名啟聖祠雍正元年更名並加爵 在大成殿迤東有門有

垣正中恭設

肇聖王木金父左

裕聖王祈父右

詒聖王防叔左次

昌聖王伯夏右次

啟聖王叔梁紇位均南向

主制高三尺四寸廣九寸五分厚八分座高六寸
五分廣一尺四寸朱地金書

東配先賢

顏氏無繇

孔氏鯉

西配先賢

曾氏點

孟孫氏激

位分東西向

主制高二尺二寸廣四寸五分厚六分座高三寸

廣一尺赤地金書

東廡先儒

周輔成敦頤之父

程珦顥頤之父

蔡元定沈之

位西向

西廡先儒

張廸載之父雍正二年增祀

朱熹熹之父

位東向

主制均如兩廡式

名宦祠三楹在戟門左祀者九人

舊志載祀有虞皐陶氏英蓼皆其封邑固始本成

周賢侯漆雕開唐元宗贈滕伯宋真宗加封平輿侯商祀未詳漢孔安國

明知縣樊玉衡商周初縣丞李文選

國朝三省總督李祖蔭康熙二十五年八月奉文稱其才兼文武澤沛軍民三省蒙其

利賴萬戶藉以安全凡在所屬宜潔烝嘗三省總督朱昌祚康熙二十年八月

奉文稱其賦才卓異秉性堅貞以念切痼瘼致冤沉嘉肺大節與日月爭光忠魂同山河不朽宜俎

豆宮墻永誌謳思巡撫佟鳳彩以遼海世胄楨幹王室值

朝無腹心之患諸兄潔已率屬功難枚舉故宜崇祀名宦

鄉賢祠三楹在戟門右祀者一十有八人

舊志載祀楚孫叔敖漢郭憲明余思銘王浙黃洵

王筵洪其道黃焯熊偉宋文昌馬之圖楊惟鉞周

謙孔榮宗

國朝陳良弼沈察之楊勳烈王政太

忠義孝弟祠三楹在櫺星門左祀者十一人

明指揮同知余思銘監察御史汪璧陽和道洪應

衡翰林院檢討馬剛中歲進士鄉飲正賓黃洵安

鄉縣丞贈延綏巡撫又贈太常寺卿周澤邑士鮑

純邑庠生黃榮

國朝余廷信鄉飲大賓黃廷用庠生張爾銘

節孝祠建城西南隅正室三楹繚以垣門一楹配房

二楹祀者六十八

明謝氏二烈女皆生員謝維翰之女王氏段尙綱

之母陳氏刑部郎中王湛臺妾王氏生員王寬之

妻朱氏彭商哲之妻楊氏任容之妻任氏高侗之

妻桂氏黃燿之妻王氏袁鎔之妻熊氏生員何士

宏之妻黃氏余永泰之妻沈氏貢士楊所條之妻

卜氏太學生王儋之妻張氏王失名之妻晏烈女

字蕭燭馬氏太學生馬繩武之妻盧烈女字張氏

盧樽孫女盧氏盧大乾之妻陳氏尉氏教諭黃卷

之妻喻氏桂容之妻洪氏生員吳穎之妻張氏廩

生王說之妻汪氏藍思茂之妻喻氏廩生洪郇之

妻王氏楊惟鉞妾羅氏張森之母夏氏高仰碧之

妻

國朝廖氏封二品夫人陽城縣令熊偉之妻張氏生員

賈文杰之妻張氏贈綏寧縣令廩生熊轅之妻邱

氏周宏基之妻廖氏庠生周建官之妻廖氏候選

州同熊學顯之妻張氏庠生何天衢之妻彭氏程
家瑞之妻黃氏生員熊學乾之妻雷氏貢生高安
仁之妻李氏汪尙忠之妻李氏吳緒伯之妻管氏
孫允敬之妻王氏楊一德之妻宋氏周作觀之妻
沈氏周可徵之繼妻郭氏黃緒之妻吳氏李炤之
妻王氏熊渾之妻汪氏洪天材之妻周氏王程
之妻熊氏盛世龍之妻熊氏李芝之妻洪氏張世
德之妻王氏黃純繼妻周氏廩生黃約繼妻熊氏
黃正萬之妻熊氏監生周天奇之妻黃氏王逾會
之妻陳氏丙子科舉人張榮宗之妻楊氏劉失名
之妻王氏謝承恩繼妻

王制均視兩廡綠地青書

大成殿後爲明倫堂五楹貯樂庫齋房在焉又後爲尊
經閣亦五楹所以貯經籍也殿之前爲戟門爲櫺星
門門右有敬一亭門之前爲泮池池前豎大成門墀
以石迤南爲照牆墻之南爲雲路坊池左右有社門
其在東者曰聖域賢關其在西者曰義路禮門覈門
在東社門之左南向卽儒學大門也入門而右東向

者為承祭門丁祭將事者出入焉教諭署在明倫堂
 左訓導署在覈門左其後有文昌閣明成化十一年
 知縣張浚創建周八十丈有九尺南至通衢北至塘
 之北埂東西皆至民居明季之增修者則知縣鞏哲
 成化十正德李允恭嘉靖三
 四年七年萬燭十年李周策萬歷十
 會天啟崇禎十四年悉燬於寇

國朝順治七年知縣衛貞元創修順治十一年署令汝
 寧通判錢孔曄康熙二十五年知縣談永祚縣丞龔
 戴銓訓導牛龍文次第修建教諭署順治四年教諭

周之縉捐構訓導署則訓導腰素端唐四表先後捐
 置學宮自後屢有修葺惜皆逸其名近世之可考者
 乾隆十一年知縣王繇五十二年知縣單可堪五十
 七年署令祥符丞王旭藻皆有增修嘉慶五年開吉
 亦時加補葺

舊志進德齋三間修業齋三間會講堂三間并東
 齋訓導宅皆久燬啟聖祠談令改建在尊經閣後
 今仍移舊址尊經閣一間談令新建今為五間其
 重建之時之人無考

祀典

順治元年定每歲春秋仲月上丁日直省府州縣各行釋奠於

先師之禮以地方正印官主祭陳設禮儀均與國子監丁

祭同康熙二十五年議准直省武官協領副將以上

遇

文廟祭祀並令陪祀行禮四十九年奉

上諭直省府州縣致祭

先師凡同城大小武官均照例入廟行禮雍正三年奏准

刊刻祭器樂器式樣頒行直隸各省畫一製造五年

議准致祭

至聖先師孔子大典攸關今直省惟司道府州縣官於丁

日行禮其督撫學臣則先期一日於塔下行九叩禮

謂之祭丙典制所無且行禮前後儀節滌器視牲晉

爵奠尊儀文隆備但行九叩禮亦未允協嗣後省會

之區每遇春秋二季於上丁日督撫學政率司道府

州縣等官齊集致祭如學政考試各府即於考試處

文廟行禮至各府州縣守土正印官率領各屬員亦於

上丁日行禮毋得簡率從事均照典制遵行乾隆六年議准學宮從事先賢先儒神位次序以

京師太學成式通行直省府州縣遵照書題按東西先後次序安設八年

欽定樂章頒發曲阜及天下學宮俾樂生肄習虔肅將事其

陳設之儀大殿位前設案一陳牛一羊一豕一登一

太和羹二黍簋二稷籩二稻邊十形鹽藁魚棗栗榛菱

豆十韭菹醢醢菁菹鹿醢芹菹兔醢符菹魚醢脾析豚胎鑪一燈二東西配位

前各設案一陳羊一豕一釧二簋二籩二邊八減白黑餅

豆八減脾析豚胎鑪一燈二東西序位前各設案一陳釧

一簋一籩一黍稷邊四形鹽棗栗鹿脯豆四菁菹鹿醢芹菹兔醢東西各

羊一豕一鑪一燈二兩廡均二位同一案每位爵一

每案簋一籩一邊四豆四先賢案前東西各羊二豕

二香案一鑪一燈二先儒案前東西各羊一豕一香

案一鑪一燈二殿中設一案少西北向供祝版其南

東設一案西向陳禮神制帛九白香盤四尊三爵二

十有七西設一案東向陳禮神制帛八香盤三尊二

爵二十有四凡牲陳於俎凡帛正位四配異篚十二

哲分東西以六帛共篚兩廡設二案於南均北向各
陳禮神制帛二香盤二尊二虛爵六設樂縣樂舞於
殿堦上樂工歌工文舞六佾於堦上樂縣東西序

崇聖祠五位前各設一案陳羊一豕一釧二簠二簋二
籩八豆八尊一鑪一燈二配位東西各陳羊一豕一
尊一鑪一燈二每位簠簋各一籩豆各四東廡設二
案西廡設一案每位爵一每案簠簋各一籩豆各四
東西各羊一豕一尊一鑪一燈二殿中設一案少西
供祝版東設一案陳禮神制帛七香盤六尊四爵二

十有一西設一案陳禮神制帛二香盤一尊三爵六

兩廡各設案於南陳禮神制帛一香盤一尊一虛爵

三凡祭不隸省會之府州縣有道員分駐者以道員
爲正獻無者長官正獻兩序以其貳及所屬兩廡以
食餼學弟子員各一人分獻致齋二日學官列正獻

分獻官執事生員樂舞生銜各送縣鈐榜張掛前期
正獻官率屬省牲視滌濯演習禮樂如正祀屆期五

更正獻官分獻官陪祭官各朝服詣廟門外由樞星

左右門入

文左
武右

升次序坐茶畢陰陽吏報聲鼓

唱
鼓

初嚴在廟胥役俱出赴巡警牌外司巡鼓再嚴主祭

獻官陪祭官俱起立整冠帶欵容出次通贊生先入

就位各執事生以次俱入序立東西階下樂舞生序

立丹墀兩引贊生引主祭官以下魚貫入戟鼓三嚴門內就拜位旁立文在拜位左武

旁少選唱在拜位右樂舞生各就位各執樂器舞執事者各執

通贊生唱器按位立唱其事司尊者就尊所立助獻生分東西陞上主祭官

就位俟立分獻官就位俟立陪祭官各就位俟各立

班齊瘞毛血助獻生徹毛血槃寘迎神司樂舉迎神

樂奏昭平之章引贊跪主祭官以三跪九叩首興樂

止唱行初獻禮司樂舉初獻樂奏宣平之章引贊生

贊詣盥洗所濯水進巾分獻官盥洗如儀贊詣醴尊所司尊者

舉翬酌醴執帛者捧帛執爵者捧爵引主祭官自東

贊詣至聖先師孔子神位前跪左右獻獻帛右助獻舉帛筐授

拱授左助獻如獻帛獻爵贊叩首興贊詣讀祝位跪引

奠神位前儀祭官詣祝案前跪讀分獻陪祭各官皆跪樂止贊讀

祝文讀畢仍樂作贊叩首興主祭官以詣復聖顏子

神位前引主祭官跪贊獻帛獻爵俱如前贊叩首興贊

詣宗聖曾子神位前禮如詣述聖子思子神位前禮

前 贊 詣亞聖孟子神位前禮如 其十二哲及兩廡分獻

官於讀祝後通贊 行分獻禮各引贊生引各分獻官

祭官初獻儀注 初獻禮畢贊 復位引主祭官自殿右門出由

所獻東西階下 樂止唱 行亞獻禮司樂 舉亞獻樂奏秩平之

章引主祭官分獻官 亞獻禮畢贊 復位引主祭官分

前樂止唱 行終獻禮司樂 舉終獻樂奏叙平之章各

陞階獻爵如前儀 終獻禮畢贊 復位各引復位 樂止唱 飲福

受胙引主祭官自東陞 詣飲福位贊 跪助獻二名捧

又二名跪於左 贊 飲福醴主祭官受酒啐授 受福胙受胙拱

跪者贊 叩首興復位唱 謝胙跪主祭官以 一跪三叩首

興唱 徹饌司樂 舉徹饌樂奏懿平之章助獻生舉饌出

階樂止唱 送神司樂 舉送神樂奏德平之章唱 跪主

官以下皆跪唱 三跪九叩首興唱 讀祝者捧祝司帛者捧帛

司饌者舉饌詣瘞所讀祝者先跪跪取祝文司帛者

祀由殿中門出左配左哲由殿左門出右配右哲由

殿右門出兩廡各於其門出隨班往瘞所各捧跪於

瘞坎之西唱 望瘞詣望瘞位主祭官率分獻陪祭 焚祝帛

瘞饌豆坎東西各一人舉牲醴 復位樂止唱 禮畢

崇聖祠教諭正獻兩序訓導分獻兩廡皆食餼學弟子

員各一人無樂舞餘如祭

先師儀乾隆九年議准直省文武大員及各屬正印官於
文廟行香禮畢之後應親詣

崇聖祠行禮或有事不能親詣卽委令教官敬謹行禮

忠義節孝名宦鄉賢等祠每釋奠禮畢學宮公服詣

祠致祭

光郡通志載鄉賢各宦兩祠教官
行禮忠義節孝兩祠吏目行禮

是日清晨

廟戶啟祠門拂拭神案執事者陳羊一豕一遷四豆

四鑪一鐙二陳祝文於案左陳壺一爵三帛一香盤

一於案右引贊二人引主祭官入詣案前北面立禮

生自右奉香盤主祭官三上香訖引贊贊跪叩興主

祭官三叩興禮生自右授帛主祭官受帛拱舉仍授

禮生獻於案上禮生酌酒實爵自右跪授爵主祭官

受爵拱舉仍授禮生興獻於正中讀祝者奉祝文跪

案左引贊贊跪主祭官跪讀祝畢以祝文復於案退

主祭官俯伏興執事者酌酒獻於左又酌酒獻於左

退引贊贊跪叩興主祭官三叩興執事者以祝帛送

燎引贊引主祭官出執事者退其樂章並各祝文欽

遵乾隆八年奉

台頒發者

樂章春夾鍾清商立宮倍應鍾清變宮主調

簫譜壘篪排迎神昭平之章 大尺哉凡孔六子五

先尺覺上先五知六與凡天六地上參五萬凡世上

之五師五祥五徵上麟凡綏六韻凡答上金尺絲上

日凡月六既尺揭五乾凡坤六清凡夷尺奠帛初

獻宣平之章 予尺懷凡明六德五玉上振凡金尺

聲上生六民凡未上有五展凡也六大五成六俎五

豆上千尺古五春六秋六上五丁六清尺酒上既凡

載尺其凡香六始凡升尺亞獻秩平之章式尺禮

凡莫六愆五升上堂五再凡獻尺響上協五鼓凡鏞

六誠五孚上罍五甌尺肅五肅五雍六雍六譽凡髦

尺斯上彥尺禮上陶五樂凡淑六相五觀六而凡善

尺終獻叙平之章自尺古凡在五昔六先上民五

有凡作六皮五弁上祭凡菜尺於上論五思六樂凡

惟五天上牖尺民五惟凡聖上時凡若六葵五倫五

攸上叙尺至上今五木凡鐸尺徹饌懿平之章

先尺師凡有六言五祭尺則上受尺福五四凡海尺

鬻 五宮上 疇 凡 攷 六不 肅 凡 禮 成 上 告 尺 徹 五

毋 凡 疏 六 毋 凡 瀆 尺 樂 五 所 上 自 凡 生 尺 中 五 原 六

有 凡 菽 尺 送神德平之章 鳧 尺 釋 凡 峩 六 峩 五 洙

上 泗 尺 洋 凡 洋 六 景 上 行 五 行 五 止 上 流 尺 澤 六 無

五 疆 六 聿 五 昭 上 祀 尺 事 尺 祀 尺 事 上 孔 凡 明 六 化

尺 我 五 蒸 尺 民 上 育 凡 我 六 膠 尺 庠 尺

笛 譜 同 笙 大 尺 哉 乙 孔 上 子 尺 先 六 覺 尺 先 尺 知 上

與 乙 天 上 地 凡 參 尺 萬 六 世 凡 之 尺 師 尺 祥 尺 微 尺

麟 乙 紱 上 韻 乙 答 凡 金 六 絲 尺 日 乙 月 上 旣 六 揭 尺

乾 乙 坤 上 清 乙 夷 六 予 六 懷 乙 明 上 德 尺 玉 尺 振

乙 金 六 聲 凡 生 上 民 乙 未 凡 有 尺 展 乙 也 上 大 尺 成

上 俎 尺 豆 凡 千 六 古 尺 春 上 秋 上 上 尺 丁 上 清 六 酒

凡 旣 乙 載 六 其 乙 香 上 始 乙 升 六 式 六 禮 乙 莫 上

愆 尺 升 凡 堂 尺 再 乙 獻 六 響 凡 協 尺 叢 乙 鏞 上 誠 尺

孚 凡 壘 尺 虬 六 肅 尺 肅 尺 雍 上 雍 上 譽 乙 髦 六 斯 尺

彥 六 禮 凡 陶 尺 樂 乙 淑 上 相 尺 觀 上 而 乙 善 六 自

六 古 乙 在 尺 昔 上 先 尺 民 尺 有 凡 作 上 皮 尺 弁 尺 笄

乙 菜 六 於 凡 論 尺 息 上 樂 乙 惟 尺 天 尺 牖 六 民 尺 惟

乙 聖 凡 時 乙 若 上 彘 凡 尺 叙 六 至 凡 今 尺 木
 乙 鐸 六 先 六 師 乙 言 八 祭 六 則 凡 受 六 福 尺
 四 乙 海 六 鬻 尺 宮 凡 壽 乙 致 上 不 乙 肅 六 禮 尺 成 凡
 告 六 徹 尺 毋 乙 疏 上 毋 乙 瀆 六 樂 尺 所 凡 自 乙 生 六
 中 尺 原 上 有 乙 菽 六 鳧 六 繹 乙 莪 上 莪 尺 洙 上 泗
 六 洋 乙 洋 上 景 凡 行 尺 行 尺 止 凡 流 乙 澤 上 無 尺 疆
 上 聿 尺 昭 凡 祀 乙 事 六 祀 六 事 凡 孔 乙 明 上 化 六 我
 尺 蒸 六 民 凡 育 乙 我 上 膠 乙 庠 六
 秋南呂清徵立宮仲呂清角三調

簫譜 壘篪排 簫同

大 六 哉 乙 孔 上 子 尺 先 六 覺 凡 先 尺

知 上 與 乙 天 上 地 凡 參 尺 萬 六 世 凡 之 尺 師 尺 祥 尺

徵 凡 麟 乙 紱 上 韻 乙 答 凡 金 六 絲 凡 日 乙 习 上 既 六

揭 尺 乾 乙 坤 上 清 乙 夷 六 予 六 懷 乙 明 上 德 尺 玉

凡 振 乙 金 六 聲 凡 生 上 民 乙 未 凡 有 尺 展 乙 也 上 大

尺 成 上 俎 尺 豆 乙 千 凡 古 尺 春 上 秋 上 上 尺 丁 上 清

六 酒 凡 既 乙 載 六 其 乙 香 上 始 乙 升 六 式 六 禮 乙

莫 上 愆 尺 升 凡 堂 尺 再 乙 獻 六 響 凡 協 尺 蕞 乙 鏞 上

誠 尺 孚 凡 壘 尺 獻 六 肅 尺 肅 尺 雍 上 雍 上 譽 乙 髦 六

斯凡彥六禮凡陶尺樂乙淑上相尺觀上而乙善六

自六古乙在尺昔上先尺民尺有六作上皮尺弁

凡祭乙菜六於凡論尺思上樂乙惟尺天凡牖六民

尺惟乙聖凡時乙若上彝尺倫尺攸凡叙六至凡今

尺木乙鐸六先六師乙有上言尺祭六則凡受六

福尺四乙海六鬯尺宮凡疇乙敢上不乙肅六禮尺

成凡告六徹尺毋乙疏上毋乙瀆六樂尺所凡自乙

生六中尺原上有乙菽六鳧六繹乙峩上峩尺洙

凡泗六洋乙洋上景凡行尺行尺止凡流乙澤上無

尺疆上聿尺昭凡祀乙事六祀六事凡孔乙明上化

六我凡蒸六民凡育乙我上膠乙庠六

笛譜笙大上哉工孔凡子六先上覺乙先六知凡

與上天凡地乙參六萬上世乙之六師六祥六徵乙

麟工紱凡鼈工谷乙金上絲乙日工月凡既工揭六

乾上坤凡清工夷上予上懷工明凡德六玉乙振

工金上聲乙生凡民工禾乙有六展工也凡大六成

凡俎六豆乙千乙古六春凡秋凡上六丁凡清上酒

乙既工載上其工香凡始工升上式上禮工莫凡

德六升乙堂六再工獻上響乙協六叢工鏞凡誠六

孚乙鬯六甌上肅六肅六雍凡雍凡譽工髦上斯乙

彦上禮乙陶六樂工淑凡相六觀凡而工善上自

上右工在六昔凡先乙民六有工作凡皮六弁乙祭

工菜上於乙論六思凡樂工惟六天乙牖上民六惟

工聖乙時工若凡彝六倫六攸乙叙上至乙今六木

上鐸上先上師工有凡言六祭上則乙受上福六

四工海上鬻六宮乙疇工敢凡不工肅上禮六成乙

告上徹六毋工疏凡毋工瀆上樂六所乙自工生上

中六原凡有工菽上鳧上繹工我凡我六洙乙泗

上洋工洋凡景乙行六行六止乙流工澤凡無六疆

凡聿六昭乙祀工事上祀上事乙孔工明凡化上我

六蒸上民乙育工我凡膠工庠上

大成殿祝文 惟先師德隆千聖道冠百王揭日月以

常行自生民所未有屬文教昌明之會正禮和樂節

之時辟雍鐘鼓咸恪薦於馨香泮水膠庠益致嚴於

籩豆茲當仲春祇率彝章肅展微忱聿將祀典以復

聖顏子宗聖曾子述聖子思子亞聖孟子配尚饗

崇聖祠祝文

惟王奕葉鍾祥光開聖緒盛德貽後積

久彌昌凡聲教所覃敷率循源而溯本宜肅明禋之

典用申守土之忱茲當仲

春秋

敬修祀事以先賢顏氏

先賢曾氏先賢孔氏先賢孟孫氏配尚饗

忠義孝弟祠祭文

惟靈稟賦貞純躬行篤實忠誠

奮發貫金石而不渝義問宣昭表鄉閭而共式祇事

懋彛倫之大性摯蒿莪克恭念天顯之親情殷棣萼

模楷咸推夫懿德綸恩特闡其幽光祠宇維隆歲時

式祀用陳奠簋來格几筵尚饗

節孝祠祭文

惟靈純心皎潔令德柔嘉矢志完貞

全閨中之亮節竭誠致敬彰閩內之芳型茹冰蘖而

彌堅清操自勵奉盤匱而匪懈篤孝傳徽絲綸特沛

乎殊恩祠宇昭垂於令典祇循歲祀式薦奠醪尚饗

學額

學田

鄉會盤費附

漢孝武從董仲舒言因文翁之化始令天下郡邑皆

置學校官後魏天安初立鄉學郡置博士二人助教

二人學生十六人嗣令大郡立博士二人助教四人

學生百人次郡博士二人助教四人學生八十人中

郡博士一人助教二人學生六十人下郡博士一人
助教一人學生四十人後世郡縣之學莫備於此唐
京縣額設學生五十人上縣四十人中縣中下縣各
三十五人下縣二十人州縣長官補長史主馬宋崇
寧初宰臣請天下州縣並置學州置教授二員縣亦
置小學縣學生選考升諸州州學生每二歲貢太學
三年始定諸路增養縣學弟子員大縣五十人中縣
四十人小縣三十人遼大定間從鄧儼等議計州府
戶口增養士之數於舊制京府十七處千人之外置

州學六十處增養千人各設教授一員府學二十有
四學生九百五人節鎮學三十有九共六百一十五
人防禦州學二十有一共二百三十五人元定生員
散府二十人上中州十五人下州十人明初遣國子
生林伯雲等三百六十六人分教各郡洪武二年府
設教授州設學正縣設教諭各一俱設訓導府四州
三縣二商城儒學訓導舊有東西兩齋此其驗也定
生員之數府學四十人州縣學以次減十未幾卽命
增廣不拘額宣德中定增廣之額如洪武生員之數

嗣又於額外增取謂之附學

國朝初進童生不拘額順治四年定廩增額如舊其選入附學視所在人文多寡大學四十名中小學以十為差十八年定歲科兩考為一康熙二年以策論取士七年停止策論仍復制藝十二年復三年歲科兩考商城廩膳增廣生各二十名附生歲科每考入學十五名武生歲考如例迨

國大慶廣額之數視大學加七名武生不與邑舊隸汝寧每考撥府一二名不定雍正二年改隸光州分棚

試士裁汝寧府學額四名歸州屬酌撥

學田在官蘇里地一頃二十一畝二釐每年租粟一百二十五石學官經理

附鄉會盤費

商城在中州東南隅距省千里萬山叢沓地瘠民貧然士風頗知進取每大比之年以資斧不給弗克赴試者徃徃而有開吉廉得情狀於嘉慶七年捐廉籌畫共得錢二千緡交典舖生息以其子金為三載公車之費俾闔邑有志觀

光者稍潤行色其科歲優等者亦酌加獎勵庶勸學之一端也第恐日久弊生此款終歸烏有除置籍交諸紳士並發禮房董理照議遵行外所有條款附識於篇

一籌備合邑寒士鄉試路費共計錢二千串交紳士領出存典生息每年得利錢二百二十千文通三年計得利錢六百六十千文逢鄉試年典商將三年息錢算清交付董事紳士領出以備給發

一生員科考取列一等赴省應鄉試者每名給錢十千文取列二等及三等前三名本年新生前三名赴省應試者每名給錢八千文俱於賓興之日當堂給發取五人互保領結備查

一生員未經正案錄取而有志科舉願考遺才得入鄉試場者每名給錢四千場後給發仍取五人互保領結備查

一正途貢生及捐貢捐監各生經正案錄取者照生員二等例給發考遺才者照生員遺才例給

發

一 逢

恩科之年照例給發一半次年正科照例一半

每科賓興定於六月初五以後十五以前先期

出示務使遠近周知不悞給領其有實在遠館

不能親來者仍取五人互保領結備查

一 舉人會試本有車價公項可領但道里較遠而

資斧愈加拮据凡舉人會試者每名給錢八千

文以示優恤

恩科減半統於具領車價銀兩之時給發

一 諸生有冒領者加倍追繳

一 儒學兩位學師有願應鄉試者照生員一等例

給發有願應會試者照舉人例給發

一 歲科院試考取一等一名者獎錢一千文二名

以下各獎錢五百文二等及三等前三名各獎

錢三百文新進生員亦各獎錢三百文學憲按

臨之先禮房預行稟明會同紳士向典舖取錢

若干文帶往光州存候學憲發落之日當堂給

發

一置簿籍三本典商存一本止註明某年月日發
 存之數禮房存一本紳士存一本俱各逐細註
 明開銷之數及每科所餘之錢餘錢若干仍存
 典舖以備額外酌用毋容生息

一地方官一切緊急公項毋得暫行挪移借用

書籍

附祭器

樂器

舞器

乾隆元年部議士人讀書必能博通經史方為明體
 達用之學如十三經二十一史外省固有坊刻流傳

而單寒之士或無力購買以致見聞不廣查府州縣
 學宮設立尊經閣原以藏貯書籍而各省會俱奉

旨設有書院亦一省人文聚集之所則於書院並有尊經閣

之處多貯書籍誠於國家造就人材之道大有裨益
 但各省遠近不一頒發頗繁應令各督撫於省會書
 院並有尊經閣之府州縣動用公存銀兩各就近將
 十三經二十一史諸書購買頒發交與各該學教官
 接管收貯令士子熟習講貫則博通經史者自多其
 動用銀兩仍報部查核奉

旨依議通行直省各府州縣所有商城儒學歷年頒發書籍按冊悉書而祭器樂舞器亦附焉

御纂周易折中一部

書經傳說彙纂一部

詩經傳說彙纂一部

春秋傳說彙纂一部

性理精義一部

康熙字典一部

朱子全書一部

日講四書解義一部

聖諭廣訓一部

上諭三十四冊

欽定四書文一部

十三經一部

二十一史一部

明史一部

大清律一部

條例三十二冊

事例二冊

學政全書一部

學宮備考一部

科場磨勘簡明則例一部

明職一部

宣化錄一部

心政錄一部

樂器 編鐘十六 編磬十六 鼓一 搏拊二

琴二 瑟二 排簫二 笙二 笛二 塤二 箏

二 祝一 敵一 貯樂櫃二

舞器 麾一 節二 羽三十有六 籥三十有六

祭器 銅爵三十 尊八 鉶七 簠簋各三十

俎二十有九 篚二十有四 錫器一百二十有四武任新置存署

書院

文峯書院在縣治東南乾隆三十三年知縣林斌從

邑紳士周作哲等請詳明捐買民房改建精義堂三

楹前為儀門門之左右掖房四楹大門三楹堂之右

南北房各三楹北即澄心堂堂之後為樓者二一南

向一東向平房一西向皆三楹齋房一十有七三楹
在西樓之西餘在北樓之北東西廚房四楹外膳田
三項八十九畝歲租准倉石一千二十石有六斗按
年豐歉佑收變價供師生束脩膏火之需所有膏火
條規並地畝坐落悉著於篇

膏火條規

一革僧通學入官廟田二項六十九畝每年租
稞倉斗稻穀七百零五石六斗
一置買田一項二十畝每年租稞倉斗稻穀三

一百一十五石

一 共田三項八十九畝租稞倉斗穀一千零二
十石六斗應按照年歲豐歉佑收照依時值

變價支用

一 各田共應納糧連耗銀二十一兩四錢八分
一 釐遇閏加增銀三錢一分六釐在於租穀
變價銀內完納

一 院長束脩每歲銀一百兩年節生辰禮儀共
銀十六兩

一延請院長聘金銀八兩其程儀視路途遠近酌用

一院長膳金每歲銀六十兩

一肄業生員常年以二十名爲率內設齋長一名每名每月支膏火銀九錢除正臘兩月假館外以十個月扣算每年共計銀一百八十

兩

一肄業童生及願附課生童均無膏火
一肄業生童選品行端方者送入書院

一書院每月初二日縣課一次備生童席桌發榜後考居一等首名給紙筆銀三錢餘皆給銀二錢考居二等每名給銀一錢童生考居首名給紙筆銀二錢每月獎賞約計銀二兩每年銀二十兩

一每月初八及二十三日兩次院長齋課生童不另備饌亦無獎賞

一書院應撥禮房書辦一名經管課試出榜獎賞事宜每月給紙筆銀三錢又應設把門人

役一名水火夫一名每名每月給工食銀三錢廚子一名每月工食銀五錢以十個月扣算每年銀十四兩

一院長需用器皿逐年隨時添備按款支銷

一書院每年修理約計銀十兩

一諸生齋房每名給書桌一張床一張簾一條

榻板一個椅子兩把其床桌椅榻已在捐項

內製備其簾片逐年破爛隨時備給支銷

一書院支銷每於歲底核實開造四柱清冊呈

報

地畝坐落

朝陽菴革僧通學入官田地一十六處共圍六

十石五斗地一石二斗糧二頃六十九畝又

糧一十九畝每年市斗租稞連黃賢地稞錢

八百文值稞一石算共三百九十二石合倉

斗租稞七百零五石六斗共小麥稞市斗一

石二斗棉花一百一十觔稞鷄六支又十五

觔桂如金地稞錢一千文

一庄名長塘埂田四石大小計三十二坵東齊朝陽菴山嶺爲界南齊朱姓山爲界西齊河爲界北齊朝陽菴田山爲界佃戶黃從每年市斗租稞二十八石稞鷄二支

一庄名虎皮嶺田三石五斗大小計一百一十四坵東齊雷姓田爲界南齊雷姓山爲界西齊朝陽菴山爲界北齊王姓山爲界佃戶丁國耀每年市斗租稞二十四石小麥二斗棉花十觔

一庄名虎皮嶺田一石大小計二十一坵東齊

雷姓田爲界南齊雷姓山爲界西齊朝陽菴山爲界北齊王姓山爲界原佃戶王有貴今更佃戶項成萬每年市斗租稞二石五斗

一庄名上官畝原田八石大小計五十五坵被水冲去五坵現田五十坵東齊汪秀溝坎爲界南齊小河爲界西齊東嶽廟田山爲界北齊大河爲界佃戶宋廷佐每年市斗租稞四十石小麥稞三斗棉花十觔

一庄名八里岡田一石大小計二十二坵東齊
 大路爲界南齊羅顯貴所種之田爲界西齊
 黃姓山嶺爲界北齊何姓山坎爲界佃戶王
 洪每年市斗租稞七石五斗

一庄名八里岡田四石大小計四十二坵東齊
 黃姓山坎爲界南齊黃姓田爲界西齊黃姓
 山爲界北齊何姓山坎爲界佃戶羅顯貴每
 年市斗租稞二十八石小麥稞二斗棉花十
 五觔鷄四支

一庄名鄭家河原田三石大小計八十四坵被
 水冲山壓田五坵現田七十九坵東齊花姓
 分水嶺直上爲界南齊熊山分水嶺爲界西
 齊胡姓分水嶺爲界北齊馬榮先所種之田
 爲界佃戶葉開周每年市斗租稞二十一石
 棉花五觔

一庄名鄭家河原田八石大小計八十二坵水
 冲去七坵現田七十五坵東齊花姓山爲界
 南齊葉開周所種田山爲界西齊萬起里所

種田山爲界北齊王姓田爲界佃戶馬榮先
每年市斗租稞四十七石

一庄名鄭家河原田二石大小計四十五坵水
冲去三坵現田四十二坵東齊花姓田爲界
南齊花姓田爲界西齊馬榮先所種之田爲
界北齊花姓田爲界佃戶花乾每年市斗租
稞十五石

一庄名鄭家河原田三石大小計四十三坵水
冲去五坵現田三十八坵東齊馬榮先所種

田山爲界南齊陳姓山爲界西齊馬榮先所
種之田爲界北齊大河爲界佃戶萬起里每
年市斗租稞二十一石

一庄名叢光嶺原田三石大小計七十二坵水
冲去八坵現田六十四坵東齊熊姓山嶺爲
界南齊花德所種之田爲界西齊鄭姓田次
爲界北齊大路爲界佃戶袁明德每年市斗
租稞二十石小麥稞二斗棉花二十觔雞
十五觔

一庄名叢光嶺田六石大小計八十坵東齊袁明德所種之田爲界南齊管家廟橫路爲界西齊吳姓田埂爲界北齊鄭姓田埂爲界佃戶花德每年市斗租稞四十石棉花十五劬一庄名黃土嶺田三石大小計一百一十六坵東齊廖姓田埂爲界南齊袁姓山爲界西齊余姓山爲界北齊沈姓田埂爲界佃戶王錫珍每年市斗租稞二十三石小麥稞二斗棉花二十劬

一庄名下廟上冲田三石大小計五十四坵東齊田姓分水嶺爲界南齊河溝爲界西齊黃姓山分水嶺爲界北齊袁姓分水嶺爲界佃戶萬國璽每年市斗租稞二十七石小麥稞一斗棉花十五劬

一庄名油坊店田八石地一石計大小田二十八坵東齊李姓田爲界南齊張姓田埂爲界西齊王姓田埂爲界北齊程姓田埂爲界佃戶桂如金每年市斗租稞四十七石地稞錢

一千文

一庄名八里岡地二斗原佃戶黃賢今更佃戶

楊方遠每年地稞錢八百文值稞一石

又新買楚材械田五庄每年市斗租稞一百七

十五石合倉斗租稞三百一十五石小麥稞

二石五斗黃豆五斗棉花一百五十五觔雞

四十三觔糧一頃二十畝共價銀一千四百

兩

一庄名小黑窪田十石計大小田一百一十四

坵東齊河心為界南齊李姓邊界為界西齊

張姓田為界北齊河心為界佃戶秦宗朝每

年租稞四十七石五斗小麥稞三斗棉花二

十觔稞雞六觔

一庄名小黑窪田十石計大小田一百零四坵

東齊河心為界南齊高姓山分水嶺為界西

齊張姓田為界北齊河心為界佃戶易惟臣

每年租稞四十七石五斗小麥三斗棉花二

十觔稞雞六觔

一庄名黃家灣田五石計大小田四十九坵東齊陳姓山嶺爲界南齊陳姓田坎爲界西齊陳姓山嶺爲界北齊陳姓田爲界冲腦田六坵東齊陳姓田爲界南齊李姓山嶺爲界西齊陳姓山嶺爲界北齊陳姓田爲界共大小田五十五坵佃戶徐尊華每年租稞二十五石小麥稞二斗棉花十觔稞雞七觔半

一庄名黃家灣田三石南冲計大小田十九坵東齊陳姓田爲界南齊李姓山嶺爲界西齊

雞公廟爲界北齊劉姓山分水嶺爲界北冲計大小田十八坵東齊陳姓田爲界南齊陳姓田爲界西齊劉姓山嶺爲界北齊坐落山嶺爲界二共田三十七坵佃戶梅元福每年租稞十五石小麥稞五斗棉花四十觔黃豆五斗稞雞七觔半

一庄名黃家下灣田八石計大小田二十六坵坐落北冲東南西北俱齊張姓分水嶺爲界又南冲大小田九十一坵東齊張姓山嶺爲

界南齊沈姓山爲界西至所買庄房山爲界

北齊陳姓山嶺爲界二共田一百一十七坵

佃戶蘇照每年租稞四十石小麥稞一石二

斗棉花六十五觔稞雞十六觔

一置買李焜民房一所坐落學宮前前後五層

共瓦屋四十六間用九五色價銀六百六十

兩

新建文峯書院碑記知縣林斌撰邑舉人楊文駟書

自古國有學州有序黨有庠以待士之聰明秀杰者而居之其人數不可攷考之前明廩膳生員二十名

增廣倍之其後附學者多地不足以容合前兩等生皆散處於外本朝亦然以故自府州縣學而外復

有書院之設若涑水考亭故事中州淑氣所鍾人文日盛在省則有大梁書院在州則有弋陽書院豈可

以商城僻壤而無哉不佞下車卽存斯意適有官田數庄歲收穀七百石足以始其事因詳請列憲僉曰

可行又蒙大中丞阿 批示准設書院爰集紳衿復捐置田一百二十畝可得穀七百餘石乃擇地而爲

之卜筮皆吉遂於上歲孟冬興工凡幾闔月而竣落成之日不佞執酌酌地而言曰周禮司徒之屬兼教

養則庠序之教皆州長黨正事也今既有學師長正可以謝其責至于書院不佞豈敢以師道自居哉第

於薄書錢穀奏報期會之餘得與諸生論文而賦詩寵光多矣夫文不貴多要於法詩不求工要於律法

律者國家所以治百姓亦卽所以治詩文夫固有所受之也詩文皆歸於法律則諸生之立品亦足以規

其概然必先明乎理而後能合乎法律語曰順理成章之謂文章者法律之謂也我 皇上加意右文

隆學校崇師儒頒發御纂四經及性理大全諸編於庠序其所以啟迪諸生者至矣諸生從此而揣摩之則作爲詩文以鳴國家之盛將必閱其中而肆其外豈但合於法律而已哉書院在縣治之東地名雲路衢而南面山峯疊起有文峯疊翠之景大中丞復錫嘉名曰文峯書院坐北而面南前後凡四進前爲廳事後爲講堂中祀先賢六子齋舍四十間不佞考校諸生擇其聰明秀杰者居之年給膏火九兩人數以二十名爲率院長酌奉脯脩百金薪水六十學規唯所命謹書以勒石碑諸生不忘朝廷養士之深恩亦尙知大中丞及列憲造就人才之至意云

